

Bosna i Hercegovina  
Federacija Bosne i Hercegovine  
Bosansko-podrinjski kanton  
Goražde  
**OPĆINA FOČA**  
Ustikolina



Bosnia and Herzegovina  
Federation of Bosnia and  
Herzegovina  
Bosnian-podrinje canton Goražde  
**MUNICIPALITY FOČA**  
Ustikolina

---

## OPĆINSKI NAČELNIK

Broj: 01- 1- *33-818* /22  
Ustikolina: 13.07.2022.godine.

Na osnovu člana 8. Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije BiH", broj 12/03, 34/03 i 65/13), člana 64. stav 5. Zakona o zdravstvenoj zaštiti ("Službene novine Federacije BiH", broj 46/10 i 75/13), člana 2. Odluke o utvrđivanju kriterija za izbor i imenovanje predsjednika i članova Upravnog odbora Javne ustanove „Dom zdravlja“ Foča-Ustikolina („Službene novine Bosansko-podrinjskog kantona Goražde“, broj: 16/11), i člana 37. Statuta Općine Foča-Ustikolina („Službene novine Bosansko-podrinjskog kantona Goražde“, broj: 8/08, 11/08, 16/13 i 7/20), Općinski načelnik, objavljuje:

### JAVNI OGLAS za izbor i imenovanje predsjednika i članova upravnog odbora Javne ustanove „ Dom zdravlja“ Foča-Ustikolina

#### I POZICIJE U UPRAVNOM ODBORU

Objavljuje se javni oglas za izbor i imenovanje predsjednika i članova Upravnog odbora Javne ustanove "Dom zdravlja" Foča-Ustikolina i to:

1. Jedan član Upravnog odbora (predstavnik osnivača),
2. Jedan član Upravnog odbora (stručni radnik zdravstvene ustanove)
3. Jedan član Upravnog odbora (predstavnik Kantonalnog ministarstva zdravstva).

#### II OPIS POZICIJE ČLANOVA UPRAVNOG ODBORA

Upravni odbor upravlja zdravstvenom ustanovom, donosi statut zdravstvene ustanove, imenuje i razrješava direktora odnosno v.d. direktora zdravstvene ustanove, utvrđuje planove rada i razvoja zdravstvene ustanove, utvrđuje godišnji program rada, donosi finansijski plan i usvaja godišnji obračun, donosi opća akta o unutrašnjem uređenju i sistematizaciji poslova i drugih općih akata u skladu sa zakonom i statutom zdravstvene ustanove, odlučuje o svim pitanjima obavljanja djelatnosti radi kojih je zdravstvena ustanova osnovana, ako zakonom nije određeno da o određenim pitanjima odlučuje drugi organ zdravstvene ustanove, odgovara osnivaču za rezultate rada zdravstvene ustanove, rješava u drugom stepenu po žalbi na odluku direktora, podnosi osnivaču najmanje jedanput godišnje izvještaje o poslovanju zdravstvene ustanove, obavlja i druge poslove u skladu sa zakonom i statutom zdravstvene ustanove.

#### III MANDAT

Mandat članova u Upravnom odboru traje 4 (četiri) godine uz mogućnost ponovnog imenovanja.

#### IV OPĆI USLOVI

Kandidati za članove upravnih odbora zdravstvenih ustanova dužni su ispunjavati uslove iz Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije BiH", broj 12/03, 34/03 i 65/13) i Zakona o sukobu interesa u institucijama vlasti BiH ("Službeni glasnik BiH", broj 70/08) i to:

1. da su državljani Bosne i Hercegovine,
2. da su stariji od 18 godina,

3. da nisu otpušteni iz državne službe kao rezultat disciplinske mjere na bilo kojoj razini u Bosni i Hercegovini (bilo na nivou države ili entiteta) u periodu od tri godine prije dana objavljivanja upražnjene pozicije,
4. da se na njih ne odnosi član IX. 1. Ustava Bosne i Hercegovine (da nisu pod optužnicom Međunarodnog suda za ratne zločine u bivšoj Jugoslaviji),
5. da ispunjavaju uslove propisane Zakonom o sukobu interesa u institucijama vlasti Bosne i Hercegovine ("Službeni glasnik BiH", broj 16/02, 14/03, 12/04, 63/08 i 18/12);
6. da nemaju privatni finansijski interes u zdravstvenoj ustanovi u čiji se upravni odbor kandiduju,
7. da nisu osuđivani za krivično djelo nespojivo sa dužnošću u upravnom odboru zdravstvene ustanove,
8. da nisu direktori zdravstvene ustanove, odnosno zavoda,
9. da nisu članovi upravnih odbora u više od jedne zdravstvene ustanove odnosno zavoda,
10. da nisu lica kojima je pravosnažnom presudom suda zabranjeno obavljanje aktivnosti u nadležnosti ustanove u koju se kandiduje,
11. izjava da ne obnaša dužnost, djelatnost ili da je na položaju koji dovodi do sukoba interesa s njegovim službenim dužnostima u smislu člana 19. Zakona o državnoj službi u Federaciji BiH ("Službene novine Federacije BiH", broj 29/03),
12. da nisu na funkciji u političkoj stranci u smislu člana 5. Zakona o ministarskim, vladinim i drugim imenovanjima u Federaciji BiH ("Službene novine Federacije BiH", broj 12/03 i 34/03),
13. da ne postoje druge zakonske smetnje za obavljanje poslova u upravnom odboru u koji se kandiduje.

#### **V POSEBNI USLOVI**

- visoka ili viša stručna sprema za kandidate iz reda osnivača i kantonalnog ministarstva zdravstva,
- viša ili srednja stručna sprema za kandidate iz reda stručnih radnika Doma Zdravlja,
- najmanje 3 godine radnog iskustva (nakon stjecanja stručne spreme, na poslovima u okviru svog zanimanja).

#### **VI PRILIKOM PROCJENE KVALIFIKACIJA I ISKUSTVA SVIH KANDIDATA UZET ĆE SE U OBZIR I SLIJEDEĆE:**

- sposobnost prepoznavanja, zastupanja i zaštite interesa Javne ustanove,
- sposobnost za savjesno, odlučno, odgovorno i profesionalno obavljanje upražnjene pozicije,
- izražena individulanost, inicijativnost, nezavisnost u radu i donošenju odluka,
- komunikacijske i organizacijske sposobnosti,
- sposobnost upravljanja finansijskim i ljudskim resursima i naklonost timskom radu,
- rezultati rada ostvareni tokom karijere.

#### **VII DOKAZI**

Kandidati za članove Upravnog odbora su dužni uz prijavu na ovaj oglas da dostave kraću biografiju, adresu stanovanja, kontakt telefon te priložiti originalne dokumente ili kod nadležnog organa ovjerene fotokopije dokumenata kao dokaz o ispunjavanju općih i posebnih uslova traženih ovim oglasom i to:

1. izvod iz matične knjige rođenih,
2. uvjerenje o državljanstvu (ne starije od šest mjeseci),
3. uvjerenje ili ovjerena izjava data kod nadležnog organa kojom kandidat potvrđuje da nije otpušten iz državne službe kao rezultat disciplinske mjere, na bilo kojem nivou u Bosni i Hercegovini (bilo na nivou države ili entiteta) u razdoblju od tri (3) godine prije dana objave upražnjene pozicije,
4. ovjerena kod nadležnog organa izjava kandidata da se na njega ne odnosi član IX. 1. Ustava BiH,
5. ovjerena kod nadležnog organa izjava kandidata da ispunjavaju uslove propisane Zakonom o sukobu interesa u institucijama vlasti BiH odnosno da kandidat potvrđuje da nije izabrani zvaničnik, nosilac izvršnih funkcija ili savjetnik u smislu Zakona o sukobu interesa u institucijama vlasti Bosne i Hercegovine ("Službeni glasnik BiH", broj 16/02, 14/03, 12/04, 63/08 i 18/12), kao i Zakonu o sukobu interesa u organima vlasti u Federaciji Bosne i Hercegovine,
6. ovjerena kod nadležnog organa izjava kandidata da nemaju privatni finansijski interes u zdravstvenoj ustanovi u čiji se upravni odbor kandiduju,
7. uvjerenje da nije osuđivan za krivično djelo nespojivo sa dužnošću u upravnom odboru zdravstvene ustanove od nadležnog kantonalnog suda (ne starije od šest mjeseci),
8. ovjerena kod nadležnog organa izjava kandidata da nisu direktori zdravstvene ustanove, odnosno zavoda,

9. ovjerena kod nadležnog organa izjava kandidata da nisu članovi upravnih odbora u više od jedne zdravstvene ustanove odnosno zavoda,
10. ovjerena kod nadležnog organa izjava kandidata da nisu lica kojima je pravosnažnom presudom suda zabranjeno obavljanje aktivnosti u nadležnosti ustanove u koju se kandiduje,
11. ovjerena kod nadležnog organa izjava kandidata da ne obnaša dužnost, djelatnost ili da je na položaju koji dovodi do sukoba interesa s njegovim službenim dužnostima u smislu člana 19. Zakona o državnoj službi u Federaciji BiH ("Službene novine Federacije BiH", br. 29/2003, 23/2004, 39/2004, 54/2004, 67/2005, 8/2006, 77/2006 - odluka US, 34/2010 - odluka US, 45/2010 - dr. zakon, 4/2012, 99/2015 i 9/2017 - odluka Ustavnog Suda)
12. ovjerena kod nadležnog organa izjava kandidata da nisu na funkciji u političkoj stranci u smislu člana 5. Zakona o ministarskim, vladinim i drugim imenovanjima,
13. ovjerena kod nadležnog organa izjava kandidata da ne postoje druge zakonske smetnje za obavljanje poslova u upravnom odboru u koji se kandiduje,
14. diploma o završenoj visokoj ili višoj stručnoj spremi za kandidate iz reda osnivača i kantonalnog ministarstva zdravstva,
15. diploma o završenoj višoj ili srednjoj stručnoj spremi za kandidate iz reda stručnih radnika Doma Zdravlja,
16. dokaz o radnom iskustvu najmanje 3 godine (nakon stjecanja stručne spreme, na poslovima u okviru svog zanimanja).

Prijave sa traženim dokumentima se dostavljaju lično ili poštom preporučeno sa naznakom: "PRIJAVA NA JAVNI OGLAS ZA IZBOR I IMENOVANJE PREDSEDNIKA I ČLANOVA UPRAVNOG ODBORA JU "DOM ZDRAVLJA" FOČA-USTIKOLINA - NE OTVARAJ" na slijedeću adresu: Općina Foča-Ustikolina, ul. Omladinska b.b. 73 250 Ustikolina.

Prijave koje ne sadrže propisano iz ovog oglasa odbacit će se kao nepotpune, odnosno neblagovremene, te se kao takve neće uzeti u razmatranje. Sa kandidatima koji uđu u užu izbor Komisija će obaviti intervju. Prije intervjua kandidati će biti pozvani da daju podatke o ranijim neposrednim rukovodiocima od kojih se mogu zatražiti preporuke i informacije o kandidatima.

#### VIII KANDIDOVANJE

Svi kandidati koji budu stavljeni na listu sa užim izborom, biće pozvani na intervju pred Komisijom za izbor. Prije intervjua kandidati su dužni dati podatke o ranijim neposrednim rukovodiocima od kojih se mogu dobiti preporuke i informacije o kandidatima i popuniti obrazac u kojem će iznijeti bilo koje pitanje ili mogućnost koja bi mogla dovesti do sukoba interesa u slučaju da dođe do njegovog imenovanja. Lični podaci o podnosiocima prijave su tajni i mogu se prikupljati i obrađivati samo u skladu sa Zakonom o zaštiti ličnih podataka ("Službeni glasnik BiH", br. 49/06, 76/11 i 89/11).

Na Odluku o imenovanju predsjednika i članova Upravnog odbora stranka može podnijeti prigovor na konačno imenovanje u skladu sa Zakonom o ministarskim, vladinim i drugim imenovanjima Federacije Bosne i Hercegovine.

#### IX NAKNADA ZA RAD


Predsjednik i članovi upravnog odbora zdravstvenih ustanova imaju pravo na naknadu. Naknada predsjedniku i članovima za rad u upravnom odboru utvrđuje Općinsko vijeće na prijedlog općinskog načelnika, a na teret zdravstvene ustanove.

#### X OSTALO

Oglas ostaje otvoren 15 (petnaest) dana od dana posljednjeg objavljivanja ovog oglasa, a isti će biti objavljen u "Službenim novinama Federacije BiH", dnevni list "Avaz" i Web stranici općine Foča [www.foca-ustikolina](http://www.foca-ustikolina).

#### OBJAVITI:

1. Službene novine Federacije BiH,
2. Dnevni list "Avaz",
3. Web stranica općine Foča.



**OPĆINSKI NAČELNIK**

Mujo Sofradžija